

ტექნიკური დავალები

გრაკლიანი გორის არქეოლოგიური ობიექტის დამცავი გადახურვის განათების მოწყობის სამუშაოები

❖ პრეამბულა

დღევანდელი კასპის რაიონი - ძველი ქართული ქრონიკების მიხედვით, ქართლის სამეფოს ერთ-ერთი უმნიშვნელოვანესი ლოკალური ისტორიულ-გეოგრაფიული ერთეული, მჭიდროდ დასახლებული ბრინჯაოს ხანის ადრეული საფეხურიდან. ეს რეგიონი იმთავითვე ჩამოყალიბდა ერთი მხრივ, უმნიშვნელოვანესი სასოფლო-სამეურნეო რაიონად, მეორეს მხრივ, ერთეულად, სადაც შეიქმნა განსხვავებული ფუნქციის მატარებელი მძლავრი დასახლებები (ხოვლე, ციხიაგორა, სასირეთი, თხოთის მთის კალტები და სხვ.).

"კასპისა და მისი ქვეყნის" მნიშვნელობა, სხვა გარემოებებთან ერთად, დიდწილად იყო განპირობებული მისი მრავალმხრივ ხელსაყრელი მდებარეობით - აქ გადიოდა სასიცოხლო მნიშვნელობის გზები, მათ შორის, ცხადია, სავაჭროც). და ეს, რომ ასეა, ამის ბრწყინვალე დასტურს წარმოადგენს გრაკლიან გორაზე წარმოებული სავეღო კვლევის შედეგად გამოვლენილი უმნიშვნელოვანესი პოლიფუნქციონალური შინაარსის მატარებელი არქეოლოგიური ძეგლები

გრაკლიანი გორა ადამიანის მიერ ათვისებულია კაცობრიობის ისტორიის უძველესი პერიოდიდან (ძველი ქვის ხანა) და აქ ცხოვრება სხვადასხვა ინტენსივობითა და გარკვეული დროითი ხარვეზებით (ნეოლითი, შუაბრინჯაოს ხანა...), გრძელდებოდა ძვ. წ. II-I სს. მიჯნამდე [ვ.ლიჩელი. კულტურული და სავაჭრო ურთიერთობები ცენტრალურ ამიერკავკასიაში (გრაკლიანი გორა). ACADEMIA.1/2010. გვ. 25,26]. ისტორიის ცალკეულ მონაკვეთებზე ცხოვრების ინტენსივობა განსხვავებული იყო, თუმცა, ჯამში საუკუნეების მანძილზე გრაკლიან გორაზე ცხოვრება არ შეწყვეტილა.

❖ ძირითადი პირობები

მიმწოდებელი შემსყიდველთან შეთანხმებული სამუშაოების გრაფიკის შესაბამისად, სამუშაოების დამთავრებისთანავე წარუდგენს მას ინფორმაციას წერილობითი ანგარიშის სახით გათვალისწინებული სამუშაოების მიმდინარეობის შესახებ. იგი ვალდებულია გაითვალისწინოს შემსყიდველის შენიშვნები და წინადადებები, რაც შემდგომში საფუძვლად დაედება შესრულებული სამუშაოების ანაზღაურებას.

შესრულებული სამუშაოების ანგარიში შემსყიდველს წარედგინება სამ ეგზემპლარად: ელექტრონული ვერსია - კომპაქტური დისკების (CD) სახით (3 ეგზემპლარი), მყარი ასლების სახით (3 ეგზემპლარი), ტექსტური და გრაფიკული მასალის დოკუმენტრებით.

მიმწოდებელი ვალდებულია რეაბილიტაციის დაწყებამდე ძეგლზე დაამონტაჟოს ჩასატარებელი სამუშაოების ამსახველი საინფორმაციო ბანერი, რომელიც უნდა შეიცავდეს შემდეგ ინფორმაციას:

- მესაკუთრე;
- შემსყიდველი;
- მიმწოდებელი;
- ჩასატარებელი სამუშაოს სახეობა.

❖ ტექნიკური დავალების დანართების სახით მოცემულია:

- გრაკლიანი გორის დამცავი გადახურვის გეგმა (დანართი 1)
- გრაკლიანი გორის დამცავი გადახურვის ჭრილი სანათი ელემენტების განთავსებით (დანართი 2)
- ჩასატარებელი სამუშაოების ჩამონათვალი და მოცულობები (დანართი 3)
- არსებული მდგომარეობის ამსახველი ფოტოსურათი (დანართი 4)

სამუშაოების ჩატარებისას ყურადღება უნდა მიექცეს სამუშაოთა შესრულების ხარისხობრივ მაჩვენებელს.

სამუშაოების მიმდინარეობისას ახლადგამოვლენილი გარემოებ(ებ)ის გამოვლენისას და მისი დასაბუთების შემთხვევაში, პროექტიდან რაიმე გადახვევა (ან მასში ცვლილება), შეთანხმებულ უნდა იქნეს შემსყიდველთან.

❖ შემსყიდველისთვის გადასაცემი საბოლოო პროდუქცია

წარმოდგენილი პირობებისა და ვადების ფარგლებში მიმწოდებელმა საბოლოო პროდუქციის სახით შემსყიდველს უნდა გადასცეს შესრულებული სამუშაოები, შესრულებული სამუშაოების ანგარიში (საქართველოს კანონის „კულტურული მემკვიდრეობის შესახებ“ მოთხოვნათა შესაბამისად),

შესრულებული სამუშაოების აქტები (ფორმა 2) და ფარული სამუშაოების აქტები (საჭიროების შემთხვევაში).

❖ ნორმატიული დოკუმენტები

მუშაობის პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმებისა და წესების მიხედვით.

❖ სამუშაოთა საბოლოო მიღება

მიმწოდებელი ატყობინებს შემსყიდველს სამუშაოთა დასრულების შესახებ, თანახმად გეგმა-გრაფიკისა. შემსყიდველი ამოწმებს შესრულებულ სამუშაოებს. თუ შემსყიდველმა სამუშაოები შეაფასა წუნით, დასრულებულად ჩაითვლება სამუშაოები, დეფექტების აღმოფხვრის შემდეგ.

❖ სამუშაოთა შესრულების ვადები

შესრულებულ სამუშაოთა ანგარიშის ჩაბარების საბოლოო ვადაა **2016 წლის 23 დეკემბერი**.